

Visoka škola računarstva i informatike eMPIRICOM
SENAT

Broj: 04-02-01-009/25-002/25

Tuzla, 31.01.2025. godine

Na osnovu člana 17. i 18. Statuta Visoke škole računarstva i informatike eMPIRICOM i Mišljenja Upravnog odbora Visoke škole računarstva i informatike eMPIRICOM, broj: 04-02-02-012/25-001/25 od 15.01.2025. godine, Senat Visoke škole računarstva i informatike eMPIRICOM, na sjednici održanoj 31.01.2025. godine donio je:

ODLUKU

o usvajanju izmjena Statuta Visoke škole računarstva i informatike eMPIRICOM

Član 1.

Član 22.-27. Statuta Visoke škole eMPIRICOM broj: 04-03-02-191/20-002/21 od 18.02.2021. godine mijenja se i glasi:

„V. OSTALE ORGANIZACIONE JEDINICE VISOKE ŠKOLE eMPIRICOM

Član 22.

(Stručni i savjetodavni organi)

(1) U sklopu Visoke škole eMPIRICOM stručni i savjetodavni organi se mogu organizovati radi obavljanja administrativno-stručnih, operativnih, tehničkih, obrazovnih i pomoćnih poslova i zadataka u okviru djelatnosti Visoke škole eMPIRICOM i to u sljedećim oblastima:

- a) Upravno-pravni, administrativni poslovi i poslovi studentske službe;
 - b) Finansijski, ekonomski i tehnički poslovi;
 - c) Međuinstitucionalna i međunarodna saradnja – služba „Ured za međunarodnu saradnju“;
 - d) Obrazovanje na daljinu - služba „Centar za obrazovanje na daljinu“;
 - e) Informacijske i komunikacijske tehnologije - služba „ICT poslovno inovacijski centar“;
 - f) Cjeloživotno obrazovanje - služba „Akademija cjeloživotnog učenja“ sa sastavnicama: „Lokalna Cisco akademija mrežnih tehnologija“, „Oracle akademija“, „Certiport testni centar“, „STEM akademija“;
 - g) Pomoćni i drugi poslovi.
- (2) Služba „Centar za obrazovanje na daljinu“ pruža tehničku, didaktičku i organizacijsku podršku za e-učenje i studij na daljinu. Služba sarađuje sa akademskim i drugim osobljem, kao i drugim službama, komisijama i drugim tijelima Visoke škole eMPIRICOM u cilju razvoja e-sadržaja, izvođenja i evaluacije e-učenja za studentske programe na daljinu, a u skladu sa nastavnim planom i programom, analitikom silabusa, raspoloživim nastavnim i stručnim osobljem, materijalnim i tehničkim sredstvima.
- (3) Osnovna djelatnost službe „Ured za međunarodnu saradnju“ je razvoj međuinstitucionalne i međunarodne saradnje, te obavljanje savjetodavnih, administrativnih i koordinacijskih poslova prilikom prijavljivanja i učestvovanja Visoke škole eMPIRICOM u međunarodnim naučno-istraživačkim i stručnim programima, programima mobilnosti studenata, akademskog i administrativnog osoblja, i drugim dostupnim programima i projektima.
- (4) Služba za informacijske i komunikacijske tehnologije „ICT poslovno inovacijski centar“ ima za cilj promovisanje preduzetništva i samozapošljavanja u IKT području među studentima i

mladim stručnjacima, a kroz edukaciju, obezbjeđenje potrebne infrastrukture i asistenciju pri pokretanju i razvoju IKT poslovnih ideja i kompanija.

- (5) Služba za podršku cjeloživotnom obrazovanju „Akademija cjeloživotnog učenja“ nudi osnovne i napredne programe edukacije, seminare, treninge, testiranja i certificiranja iz oblasti: informacijsko komunikacijskih tehnologija, STEM (nauka, tehnologija, inženjerstvo i matematika), poslovno-informatičkog i srodnih osposobljavanja. U okviru ove službe djeluju sastavnice: „Lokalna Cisco akademija mrežnih tehnologija“, „Oracle akademija“, „Certiport testni centar“, „STEM akademija“.
- (6) Visoka škola eMPIRICOM, u skladu sa zakonskim propisima i odlukama nadležnih organa, može osnovati i druge službe, komisije, savjete, komitete, kao i njihove sastavnice, dijeliti ih, spajati i ukidati. Ove odluke donosi Upravni odbor.

Član 23.

(Voditelj službe)

- (1) Voditelj službe rukovodi službom u skladu sa zakonom, Statutom i drugim općim aktima Visoke škole eMPIRICOM.
- (2) Voditelja službe iz stava (1) ovog člana imenuje direktor na mandatni period od dvije godine, nakon čega može biti ponovno biran na tu funkciju.

Član 24.

(Voditelj službe koja uključuje sastavnice)

- (1) Voditelj službe koja uključuje sastavnice rukovodi službom i njenim sastavnicama u skladu sa zakonom, Statutom i drugim općim aktima Visoke škole eMPIRICOM.
- (2) Voditelja službe iz stava (1) ovog člana imenuje direktor na mandatni period od dvije godine, nakon čega može biti ponovno biran na tu funkciju.

Član 25.

(Voditelj sastavnice)

- (1) Direktor može, u slučaju potrebe ili povećanog obima posla, imenovati voditelja za sastavnicu službe, koji rukovodi sastavnicom u skladu sa zakonom, Statutom i drugim općim aktima Visoke škole eMPIRICOM, i koji u svom radu odgovaraju direktoru i voditelju službe.
- (2) Voditelja sastavnice imenuje direktor na mandatni period od dvije godine, nakon čega može biti ponovno biran na tu funkciju.

Član 26.

(Nadležnost voditelja službe/sastavnice)

- (1) Voditelj službe/sastavnice:
- a) organizuje i koordinira radom službe/sastavnice u skladu sa Statutom i drugim općim aktima i odgovoran je za zakonitost rada službe/sastavnice;
 - b) predlaže opće i pojedinačne akte iz djelokruga rada službe/sastavnice u skladu sa zakonom i Statutom;
 - c) predlaže direktoru mjere za efikasno i zakonito obavljanje djelatnosti službe/sastavnice;
 - d) predlaže direktoru osnove planova rada i razvoja službe/sastavnice;
 - e) izvršava odluke direktora, Senata, Upravnog odbora i drugih organa Visoke škole eMPIRICOM;
 - f) podnosi direktoru izvještaj o programskom i finansijskom poslovanju službe/sastavnice;
 - g) koordinira i prati provedbu poslova i aktivnosti iz djelokruga rada službe/sastavnice;

h) obavlja i druge poslove u skladu sa zakonom i Statutom.

Član 27.

(Razrješenje voditelja službe/sastavnice)

Voditelja službe/sastavnice razrješava direktor, te imenuje vršioca dužnosti voditelja službe/sastavnice.“

Član 2.

Član 37. stav (1) tačka a) Statuta Visoke škole eMPIRICOM broj: 04-03-02-191/20-002/21 od 18.02.2021. godine mijenja se i glasi:

„Član 37.

(Vrednovanje znanja studenata)

Uspjeh studenata na ispitu i drugim oblicima provjere znanja, vrednuje se i ocjenjuje sistemom uporedivim sa ECTS sistemom kako slijedi:

- a) 10 (A), izuzetan uspjeh bez grešaka ili sa neznatnim greškama, nosi od 95-100 bodova;
- b) 9 (B) iznad prosjeka, sa ponekom greškom, nosi od 85-94 boda;
- c) 8 (C), prosječan s primjetnim greškama, nosi od 75-84 boda;
- d) 7 (D), uopšteno dobar, ali sa značajnim nedostacima, nosi 65-74 boda;
- e) 6 (E), zadovoljava minimalne kriterije, nosi 54-64 boda;
- f) 5 (F, FX), ne zadovoljava minimalne kriterije, manje od 54 boda.“

Član 3.

Član 64. stav Statuta Visoke škole eMPIRICOM broj: 04-03-02-191/20-002/21 od 18.02.2021. godine mijenja se u cijelosti i glasi:

„Član 64.

(Uslovi za izbor u nastavna zvanja)

(1) Minimalni uslovi za izbor u nastavna zvanja na Visokoj školi eMPIRICOM su:

- a) profesor visoke škole: završen stepen trećeg ciklusa studija i pokazana nastavna sposobnost; znanje engleskog jezika, napredna informatička pismenost;
- b) predavač visoke škole: završen stepen drugog ciklusa studija i pokazana nastavna sposobnost; znanje engleskog jezika, napredna informatička pismenost;
- c) asistent: završen stepen prvog ciklusa studija s najmanjom prosječnom ocjenom 8 ili 3,5, znanje engleskog jezika, napredna informatička pismenost;

(2) Na visokoj školi nastavu mogu izvoditi i lica koja imaju zvanja redovnog profesora, vanrednog profesora i docenta birana na univerzitetima.“

Član 4.

Član 65. Statuta Visoke škole eMPIRICOM broj: 04-03-02-191/20-002/21 od 18.02.2021. godine mijenja se i glasi:

„Član 65.

(Konkurs za izbor u nastavna zvanja)

(1) Izbor akademskog osoblja u sva nastavna zvanja vrši se putem konkursa, kako slijedi:

- a) Interni konkurs za izbor u više zvanje ili reizbor nastavnika i saradnika koji imaju izbor na Visokoj školi eMPIRICOM sa ili bez zasnivanja radnog odnosa, koji se objavljuje na web stranici Visoke škole eMPIRICOM;
- b) Javni konkurs za izbor nastavnika i saradnika sa zasnivanjem radnog odnosa na Visokoj školi eMPIRICOM, i
- c) Javni konkurs za izbor nastavnika i saradnika bez zasnivanja radnog odnosa na Visokoj školi eMPIRICOM.

(2) Konkurs iz tačaka b) i c) stava (1) ovog člana, objavljuje se u jednom od dnevnih listova i na web stranici Visoke škole eMPIRICOM.“

Član 5.

(1) Ova odluka stupa na snagu danom donošenja.

(2) Stupanjem na snagu ove Odluke prestaje važiti Odluka o usvajanju izmjena Statuta Visoke škole računarstva i informatike eMPIRICOM, broj: 04-02-01-006/24-005/24 od 10.01.2024. godine.

PREDSJEDNIK
SENATA VISOKE ŠKOLE eMPIRICOM

mr.sci. Muhdin Mujačić, dipl.ing.el.

DOSTAVITI:

- 1x Upravni odbor
- 1x Senat Visoke škole eMPIRICOM;
- 1xMinistarstvo obrazovanja i nauke Tuzlanskog kantona;
- 1x a/a.